

# **DAGSORDEN MIA - Meeqqanut, Ilaqutariinnut Atuartitaanermullu Ataatsimiititaq d. 21-05-2026**

**Mødedato** Torsdag d. 21. maj 2026 kl. 19:00

**Mødested** Kommunalbestyrelsesip ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	6
2025-mi Meeqqanut Ilaqtariinnullu Ingerlatsivimmi kisitsisit pingaarnerit.....	8
2025-mi imminut toqunnissamik pinaveersaartitsinermut aningaasanik atuineq.....	11
Nuussuup Atuarfianut nakkutilliiartornermit nalunaarusiaq.....	14
Kuserneq-imi najugaqarnissamik aamma katsorsartinnissamik neqeroorut pillugu ukiumoortumik n	17
Ukiumi atuarfiusumi 2026/2027-mi ilinniartitsisunik pisariaqartitsinerup misissuiffigeqqissaarnera.	20
Inuusuttut atugarissaarnerisa pitsaanerulersinneqarnissaa pillugu Kommuneqarfik Sermersuup aam	23
Lukket.....	26
Lukket.....	27
Tamalaat.....	28
Imaqarniliap akuerineqarnera.....	30

## **Punkt .: Saqqaa**

### **Ilaasortat**

Poul Petersen (D), siulittaasoq

Arnanguak Steenholdt (IA)

Ida Julie Andersen (IA)

Doris J. Jensen (S)

Laura Tåunajik Uitsatikitseq (S)

**Punkt .: Oqaluuserisassat akuerineqarneri**



**Punkt .: Nalunaarutit**



# **Punkt 1: 2025-mi Meeqqanut Ilaqutariinnullu Ingerlatsivimmi kisitsisit pingaarnerit**

## **Bilag**

Kisitsisit pingaarnerit pillugit nalunaarussiaq 2025



## 2025-mi Meeqqanut Ilaqutariinnullu Ingerlatsivimmi kisitsisit pingaarnerit

Ilisimatitsissut

SagsID.: EMN-2024-00008

Meeqqanut Ilaqutariinnullu Ingerlatsivik – pisortaq Frederik Lundblad / FREL

### Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamat inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Kisitsisini pingaarnerni pitsaasumik ineriartortoqarneranut aqqissuussaannikkut sulinikkullu suliniutit arlallit piffissap ingerlanerani aallartinneqarsimasunut ataqatigiittut takuneqarsinnaavoq.

Oqartussaaffeqarfimmi suliniuteqarnerullu tungaatigut pingaarutilinnik allannguisoqarsimavoq. Sullissinermi aqutsisarneq, pingaarnersiuneq malinnaaffiginninnerlu pitsaanerulersinnissaat kiisalu suliassaqarfimmi assigiinngitsut akornanni suliniutinik ataqatigiinnerusunik sunniuteqarnerusunillu qulakkeerinninnissaq siunertaasimavoq.

Saniatigut suliassaqarfimmut amerlanerusunik aningaasaliissuteqartoqarpoq. 2025-mi 4 mio. kr.-it immikkoortinneqarput, ukiuni missingersuiffiusuni 7-8 mio. kr.-inik amerlisinneqariarlutik 2026-mi 10.5 mio. kr.-it tikillugit immikkoortinneqarput. Aningaasaliissutit pitsaaliuineramik suliniummik pitsanngorsaanissamat kiisalu inissiinermut suliassaqarfiup pitsaaliuinerusumik isumagineqarnissaanut siunniussaapput.

Saniatigullu avataaneersunik suliqaartunik, tassunga ilanngullugit Iserit aamma INI A/S, qanimut suleqatigiinnerulertoqarpoq innuttaasut ineqarnikkut atugarisannik tapersersuiniarlu, taamalu angerlartitsinissamat pitsaanerpaamik atugaqartitsinissaq pilersinneqarlunilu inissiinermut pitsaaliuisoqarpoq.

Taamatuttaaq suliniutip ilaatut inissianik inissiigallarfiusunik, ikaarsaarfinni aqqiissutaagallartut atorneqartussanik sivisuumillu inissiinissamat pisariaqartitsinermik annikillisaataasussanik, pilersitsinissaq atuinerlu sulissutigineqarpoq.

Saniatigut ilaqutariinnik siunnersortit ukkatarineqarnerunissaat aallartinneqarpoq, tassunga tunngatillugu ilaqutariinnik siusinnerusukkut annertusisamillu tapersersuisarneq pitsanngorsarneqarnissaa siunertaavoq. Tamanna inissiinernik pitsaaliuinermut angerlartitsinerullu patajaatsuunissaannut iluaqutaasussaavoq.

Ataatsimut isigalugu suliniutit taakku suliassaqarfimmi suliqaartarnermut aningaasartuutinullu malinnaaffigineqartuni ineriartortitsinissamat annertuumik pingaaruteqarsimasutut nalilerneqarput.

### Periussatut siunnerfik

Ineriartorneq tunngavigalugu ingerlatsivimmit pingaarnersiorneqartut tulliuuttut suliarineri ingerlateqqinneqassapput:

- Pinaveersaartitsineq pitsaanerusoq aamma siusissuklut iliuuseqartarneq
- Sulilersitsiniarneq aamma angajoqqaarsiat ikiorneqarnissaat annerusumik qitiutinneqassapput



- Inissiinerit tamarmik aaqqissuussaasumik malinnaavigineqarnerat
- Aningaasaqarnerup qanimut malinnaaviginera aamma annertussutsinik aqutsineq

Siunertarineqarpoq meeqqap pisariaqartitaasa qulakkeerneqarnissaat aamma suliassa qarfiup attanneqarsinnaanerusumik ineriartortinneqarnissaa.

### **Ingerlatsivimmit aningaasatigut sulisoqarnikkullu naliliinerit**

Kisitsisit pingaarnert takutippaat, inissiisarnermik tunngasunik suliassa qarfik suliatigut ilisimasatigut aningaasaqarnikkullu suliassa qarfik ilungersunartuusoq.

### **Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Meeqqat tapersorsorneqarnissaannut Inatsisartut inatsisaat pillugu Namminersorlutik oqartussat nalunaarutaat nr. 11, 16. marsi 2024-meersoq.

### **Ilanngussaq**

1. Kisitsisit pingaarnert pillugit nalunaarussiaq 2025

## **Punkt 2: 2025-mi imminut toqunnissamik pinaveersaartitsinermut aningaasanik atuineq**

### **Bilag**

2025-mi imminut toqunnissamik pinaveersaartitsinermut aningaasanik atuineq pillugu takussutissiaq

## 2025-mi imminut toqunnissamik pinaveersaartitsinermut aningaasanik atuineq

Ilisimatitsissut

SagsID.: EMN-2026-00254

Meeqqanut Atuarfeqarnermullu Ingerlatsivik – pisortaq Tina Evaldsen / TIAL

### Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut figuneqassasoq

### Suliassamik saqqummiussineq

Kommunimi sulisut imminut toqunnissamik pinaveersaartitsinermik ilinniagaqarnissaannut 2025-mut missingersuutitut 1,5 mio. koruuninik Kommunalbestyrelsimit immikkoortitsisoqarpoq. Meeqqanut Atuarfeqarnermullu Ingerlatsivimmit matumuuna aningaasat atorneqarnerat pillugit ilisimatitsissutigineqarput.

Ukioq manna, imminut toqunnissamik pinaveersaartitsinermik nuna tamakkerlugu periusissiaq *Qamani*, Meeqqanut Atuarfeqarnermullu Ingerlatsiviup ataani Ineriartortitsinermut, Peqqissutsimik Siuarsaanermut Pitsaaliuinerimullu Immikkoortortaqaarfimmit aallaavigeqqinneqarpoq. Illersuutaasinnaasut annertunerusumik ukkatarineqarnissaat kissaatigineqartoq 2024-mi akissuteqarnerit tikkuussipput. Tamanna aarlerinaataasinnaasunik illersuutaasinnaasunillu sulissuteqartoqarnissaa pillugu nuna tamakkerlugu periusissiami innersuussutaasumut naapertuuppoq. Taamaattumik ukioq manna imminut toqunnissamik pinaveersaartitsineq siammasinnerusooq qitiutillugu sammisaqartitsinernut aningaasaliissutinik qinnuteqartoqarnissaanut periarfissiisoqarpoq. Ingerlatsiviit tamarmik innuttaasunik qanimut sullissinermik suliqaarfiusut aningaasanik qinnuteqarnissamut periarfissaqartinneqarnikuupput, piunasaqaataallunili suliniut kommunimi sulisunut innuttaasunik qanimut sullissisartunut imaluunniit innuttaasunut attuumassutilinnik sulialinnut sammisuussasoq, suliassatut qinnuteqaataasoq 2025-mi naammassineqarsimassasoq, toqqammavilersorneqarsimassasorlu suliniut toqqaannartumik toqqaannangikkaluartumilluunniit imminut toquttarnermut pitsaaliuinerimut iluaqutaassasoq.

Aningaasaliissutit 2025-mi pingaarnertut pikkorissarnernut assigiinngitsunut oqaloqatiginneriaatsinik tarnikkullu ikiueqqaarutinik tunngasunut atorneqarput. Tamatuma saniatigut innuttaasut utoqqaat isummakkut peqqissusaat ukkataralugit ataasiakkaanik aaqqissuussinernik ingerlatsisoqarpoq, ass. Nuummi Elder winter games ingerlanneqarpoq angalaartoqarlunilu. Tasiilami innuttaasunut inuusuttunut Mountain Leaders-itut ilinniakkamik annertunerusumik pilersaarusiamik ingerlatsisoqarsimalluni. 1,1 mio. koruunit nalingannik atuisoqarsimavoq.

### Innersuussutit

Meeqqanut Atuarfeqarnermullu Ingerlatsivimmit innersuussutigineqarpoq, illersuutaasinnaasut ukkatarinerullugit siumut sulissuteqartoqassasoq, aammalu suliassaqaarfimmut piffissamut ungasinnerusumut ataavartumik anguniagaqarnissaq periarfissaassalluni.

### Ingerlatsivimmit aningaasatigut sulisoqarnikkullu naliliinerit

Aningaasat ukiup naannginnerani atorneqarnissaannut atatillugu ingerlatsivimmut piffissaq eqqarsaatigalugu unammillernarsimavoq. Aningaasat akissarsianut matussusiisussaangimmata, sammisassat sulisooreersunit kiisalu namminersortunit ingerlanneqartariaqarsimapput. Taakkua saniatigut pikkorissartitsinernik attuumassuteqartunik neqeroorutit suleqatigisartakkallu killeqarput.

Siunissamut innersuussutigeqqissavarput, ukiumoortumik aningaasaliinani ataavartussanik suliniuteqartoqassasoq.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaartillit**

- 2025-mut missingersuutit pillugit isumaqatigiissut
- Inuit Ataqaatigiit aamma Demokraatit akunnerminni suleqatigiinnissamik isumaqatigiissutaat 2025 - 2029
- Qamani – Imminut toqunnissamik pinaveersaartitsineq pillugu periusissiaq 2023-2028

### **Ilangussaq**

1. 2025-mi imminut toqunnissamik pinaveersaartitsinermut aningaasanik atuineq pillugu takussutissiaq

## **Punkt 3: Nuussuup Atuarfianut nakkutilliarturnermit nalunaarusiaq**

### **Bilag**

Nuussuup Atuarfia nakkutilliinermi nalunaarusiaq oktoberi 2025



# Nuussuup Atuarfianut nakkutilliarternit nalunaarussiaq 2025

Ilisimatitsissut

SagsID.: EMN-2025-02824

Meeqqanut Atuarfeqarnermullu Ingerlatsivik – pisortaq Tina Evaldsen / TIAL

## Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

## Suliassamik saqqummiussineq

Meeqqanut Atuarfeqarnermullu Ingerlatsivimmi Atuarfeqarnermut immikkoortortaq 29. oktobari 2025-imi Nuussuup Atuarfianut nakkutilliarternikuvoq. Atuarfik ukioq atuarfiusumi 2025/26-mi katillugit 374-inik atuortoqarpoq, atuartuni taakkunani 24-t immikkut atuartitsivinniillutik. Nuussuup Atuarfiani aqutsisut tassaapput atuarfimmi pisortaq, atuarfimmi pisortap tullia kiisalu immikkoortortani aqutsisut pingasut. Atuarfimmi piffissaq tamaat atorfeqartussanik ilinniartitsisunut 43-nut amerlassusiligaavoq aqutsisut ilanngullugit.

Nakkutillinermi erserpoq, 6. klassinut meeqqat atuarfiat pillugu inatsimmi tiimit minnerpaaffissarititaasa 970-iusunit 100 tiiminik nikingasoqartoq, tassa tiimit atorfeqartut 870 tiimiusimallutik. Aamma 8., 9., 10. klassinilu meeqqat atuarfiat pillugu inatsimmi tiimit minnerpaaffissaannit 10 tiiminik assigiinngissuteqalaartoq takuneqarsinnaavoq. Klassinut allanut meeqqat atuarfiat pillugu inatsimmi minnerpaaffissanik piumasaqaatigineqartunit tiimit amerlanerusut tunniunneqarsimapput. Nakkutillinerup nalaani atuarfimmut pissutsit inatsisinut atuuttunut naapertuuttunngorsaquneqarput aamma kingornatigut ilisimatitsisoqarpoq tamanna iluarsineqarsimasoq. Atuarfimmi immikkut atuartitsinermi tiimit amerlassusissaat Kommunalbestyrelsimit akuersissutigineqarsimasunut naapertuupput.

Atuarfik atualersitsisarnermut, atuanngitsoortoqartarneranut malinnaaffiginninnermut aamma atuarfiup angerlarsimaffiullu akornanni suleqatigiinnermut aalajangersimasunik periuseqarpoq. Atuanngitsoortarnerit ingerlaavartumik malinnaaffigineqarput, pisariaqartitsisoqartillugulu angerlarsimaffik suleqatigalugu iliuusissatut pilersaarutinik aallartitsisoqartarpoq. Ilinniartitsisut sulingitsoortarnerat nalunaarsorneqartarpoq aamma atuarfimmi aqutsisut aqqissuussaasumik tassunga malinnaapput.

Atuartut ukiumut marloriaq inatsisitigut piumasaqaatit atuuttut naapertorlugit naliliiffigineqartarput, tassungalulu atatillugu atuarfiup angerlarsimaffiullu akornanni oqaloqatigiinnerit ingerlanneqartarput. Atuarfimmit Skoleintra atuarfiup angajoqqaallu akornanni pingaarnertut attaveqatigiiffittut atorfeqarpoq. Nakkutillinermi paasineqarpoq, atuarfimmi siulersuisut ataatsimiitarneri angajoqqaanit ilinniartitsisunillu takuneqarsinnaanngitsut. Taamaattumik taakkua Skoleintrami immikkoortut matoqqasut minillugit saqqummiunneqartarnissaat pillugu piumasaqaateqartoqarpoq.

Elevrådit ingerlalluarput aamma atuarfimmi ulluinnarni peqataalluarput. Atuarfimmi aamma atugarissaarneq suliffigissaanerlu APV-it kiisalu isumannaallisaanermut suleqatigiinnermullu ataatsimiititaliaq aqqutigalugit ingerlaavartumik malinnaasoqarpoq. Taamaattoq atuarfimmut immikkoortortaqarfiimmit ataatsimiititani marluusuni tamani TAP-mit (teknikkikkut allaffissornikkullu sulisut) minnerpaamik ataatsimik sinniisoqartoqassasoq taamaalillutik tamarmik sinniisoqassammata.



### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaataillit**

- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq
- Meeqqat atuarfianni immikkut atuartsisarneq aamma allamik immikkut ittumik perorsaanikkut ikiorsisarneq pillugit Namminersorlutik Oqartussat nalunaarutaat nr. 21, 8. december 2017-imeersoq

### **Ilangussaq**

1. Nuussuup Atuarfia nakkutilliinermi nalunaarusaq oktobari 2025

## **Punkt 4: Kuserneq-imi najugaqarnissamik aamma katsorsartinnissamik neqeroorut pillugu ukiumoortumik nalunaarusiaq 2025**

### **Bilag**

Ukiumoortumik nalunaarusiaq 2025



# Kuserneq-imi najugaqarnissamik aamma katsorsartinnissamik neqeroorut pillugu ukiumoortumik nalunaarussiaq 2025

Ilisimatitsissut

SagsID.: EMN-2025-02408

Meeqqanut Ilaqutariinnullu Ingerlatsivik – pisortaq Frederik Lundblad / FREL

## Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu

Ataatsimiititamat inassuteqaatigineqarpoq:

1. Ilisimatitsissut tusaatissatut tiguneqassasoq

## Suliassamik saqqummiussineq

2025-mut Ukiumoortumik Nalunaarussia Kuserneq-imi suliata ataatsimoortumik paasisutissiivoq, taanna najugaqarnissamik katsorsartinnissamik neqeroorutaavoq naartusunut mianernartunut aamma ilaqutariinnut mikisunik meeralinnut sammitinneqartoq, meeqqap ulluni 1000-ini inuuffii siullit qitiutillugit. Suliniut ataatsimoortumik isiginnittuavoq aamma attaveqarnermut teori misigisanillu kingunerlutsitsinermik ilisimasat tunngavigineqarput, tassani meeqqamut aalajaatumik toqqissisimanartumillu ingeriartornissamut atugassaqaartitsinissaq siunertarineqarpoq kiisalu angajoqqaat isumassuinnissamut pitsaanerumumik piginnaanngorsarneqarnissaat.

Ukioq annertuumik suliatigut piginnaasallit katitigaanerata malunnarsimavoq, aqqissuussaaniikkut unammillernartut pisullu ilungersunartut arlallit, peqatigitillugu ilaqutariinnik suliaqarneq annertuumik angusaqarfiusimavoq. Pingaartumik siusissukkat innersuussinerit pingaaruteqarnerata erseqqissarneqarpoq, tassani suliniut naartunerup nalaani imaluunniit erninerup kinguninnguatigut aallartereerneqartarpoq. Tamanna pitsaaliuinerumik suliaqarnerup pitsaanerulernissaanik periarfissiivoq meeralu inuunermi aallaqqaataaniilli pitsaanerumumik ineriartornissaanut atugassaqaartinneqarlu. Sunnuteqarneranik uuttuinerup takutippaa, ilaqutariit artornartumik inuuneqartuneersuusut, tamalikannerumik, angerlarsimaffeqannginnerumik, stresserumumik amerlasuutigullu atornerluiffiusuneersuusartut. Kuserneq-imi suliniut aalajaannerulernermik, toqqissisimanermik angajoqqaallu piginnaasaminnik ineriartortitsinerannik pilersitseqataavoq tamannalu meeqqap atugarissaarnissaanut ungasinnerusorlu isigalugu ineriartornissaanut aalajangiisuulluni pingaaruteqarpoq.

Ukiumoortumik nalunaarummi meeqqap isiginnittaasia malillugu oqaluttuaq ilaavoq. Tassunga atatillugu pingaaruteqarpoq erseqqissassallugu matumani suliamik paasisitsiniaaneq peqarmat aamma meeqqap nammineq pineqartut eqqaamasarinngimmagit. Kuserneq-imi sullinneqartut tassaapput naalungiarsuit meeraaqallu, namminneq misigisaminnik paasisitsinnaanngitsut. Taamaattumik oqaluttuaq kinaassusiligaanngilaq, suliata paasisassaq, tassani meeqqap isiginnittaasia malinnaaffiginninneq tunngavigalugu, ineriartornermi psykologimi ilisimasat aamma suliatigut ataatsimut naliliisarneq paasisutissiissutigineqarpoq. Siunertarineqarpoq meeqqap nipeqartinnissaa suliniutillu pingaaruteqarnerata ersarissarneqarnissaa - pingaartumik meeqqanik mikinermik sulineq, tassani meeqqap isiginnittaasia ersigunnaariataarsinnaammat. Oqaluttuami pineqartumi anaanaasup hashimik atuisuuneranik paasisutissat ilaapput, peqqinnissaqarfiup qumik tigusilluni misissuineranik uppernarsaat tunngavigalugu. Paasisutissat meeqqap ineriartornissaminut atugassarisai pillugit suliatigut naliliinerumut ilanngussat ilagisarpaat. Meeraq inorluni inunngorpoq inunngornermilu kingorna peqqissarneqarnissamik pisariaqartitsilluni, tamatumalu naartunerumik artukkiussat meeqqap peqqinnissaa atugarissaarnissaalu sunnersinnaavai meeqqap inunngornerata aallartinneraniit.



Kuserneq-imi sulinerup takutippaa, ilaqutariit amerlasuut naartunermi nalaanili ajornakusoortumik aamma inuunermi pisunik artukkiisunik, angerlarsimaffeqannginnermik, stressernermik, tamalikannermik nerisakilliornermillu atugaqartuupput. Pissutsit taakkua ilumiorineqartup ineriartorluarnissaanut sunniuteqartarput siusissukkullu pitsaaliuinermik suliniuteqarnissap pingaaruteqarneranik erseqqissaalluni. Peqatigitillugu pingaaruteqarpoq, meeraq suli inunngorsimanngitsaq inatsisitigut immikkut nunani allanisulli illersugaannginnera eqqumaffigissallugu. Tamanna nammineq piumassutsimik siusissukkut suliniuteqarnermi immikkut piumasaqaammik piumasaqarfiuvoq, naartunerup nalaani meeqqap ineriartornermini atugaanik sunniuteqarnissamut periarfissaqarnerpaajulluni.

Kuserneq taamaattumik siunnerfilerluni naartunermi sapinngisamik siusissukkut aallartilluni sulisarpoq, tassani aalajaatsuunermik pilersitsineq, peqqinnissamut nerisaqarnermullu tapersersorneqarneq kiisalu artukkiisinnaasunik soorlu atornerluineq inuunermilu atukkat toqqissisimananngitsunik annikillisaaneq. Misilittakkap takutippaa, suliniut suli siusinnerusukkut aallartinneqaraangat anaanaasumut meeqqamullu tapersersuinissamik periarfissagissaarnerusartoq meeqqallu ineriartornissaanut pitsaanerusunik atugassaqaartitsilluni.

Tamanna tunngavigalugu ukiumut nalunaarusiami oqaluttuaq naleqquttutut nalilerneqarpoq, suliatiqullu suliniutip siusissukkut aallartinneqartarnissaata pingaaruteqarneranik takutitsilluni, ersarissumik kinaassutsip ersersinneqannginnissaanut aalajangersarneqarpat aamma suliatiqut suliaasartutut paasineqarluni.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Meeqqanut Ilaqutariinnullu Politikki 2025 - 2035

### **Ilanngussaq**

1. Ukiumoortumik nalunaarusiaq 2025

## **Punkt 5: Ukiumi atuarfiusumi 2026/2027-mi ilinniartitsisunik pisariaqartitsinerup misissuiffigeqqissaarnera**

### **Bilag**

2026-2027-mi ilinniartitsisunik pisariaqartitsinerup misissuiffigeqqissaarnerani takussutissiaq

## Ukiumi atuarfiusumi 2026/2027-mi ilinniartitsisunik pisariaqartitsinerup misissuiffigeqqissaarnera

Aalajangiiffigisassaq

SagsID.: EMN-2024-00193

Meeqqanut Atuarfeqarnermullu Ingerlatsivik – pisortaq Tina Evaldsen

### Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqutariinnut Atuartitaanermullu Ataatsimiititamut inassutigineqarpoq:

1. ukiumi atuarfiusumi 2026/2027-mi atuarfeqarnermut tunngasunik akunnerit ataatsimut suliffiusussatut naatsorsuutigineqartut akunnerit 863.564 -it akuersissutigineqassasut
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

### Suliassamik saqqummiussineq

Atuarfimmut tunngasunik ilinniartitsisunik pisariaqartitsinerup misissoqqissaarnerani atuarfiit ukiumi atuarfiusussami tullermi atuartitsinermik ataatsimoortumik ingerlatsinera takutinneqarpoq. Tamanna tunngavigalugu ataatsimut akunnerit atorneqartussat kiisalu ilinniartitsisunut atorfiit amerlassusaat paasinarsinneqarput. Ukiumi atuarfiusumi 2026/2027-mi ilinniartitsisunik pisariaqartitsinerup misissuiffigeqqissaarneqarnerata pingajuanni naatsorsuutit malillugu atuarfiit aamma nunaqarfiit atuarfiini 16-ini atuartut 2.882-it agguataarsimassapput. Klassit 154-it pilersinneqarnissaat naatsorsuutigineqarpoq, ukiup siulianut sanilliullugu pingasunik amerlanerullutik. Peqatigitillugu immikkut atuartitsivinni klassit amerlassusaat qaffariaateqarpoq, 37-niit 40-nut. Atuartut ukiumi atuarfiusumi 2025/2026-miit ataatsimut amerlassusaat 126-inik amerleriaateqarpoq.

Akunnerit atorneqartussat katillugit naatsorsuutigineqartut 863.564 -usut ilinniartitsisut atorfiinik 409-nik naleqarput. Ukiumut atuarfiusumut kingullermut sanilliullugu tamanna akunnernik 9.797-nik qaffariaateqarpoq. Taamatut inissisimasoqarnera ilaatigut pissuteqarpoq atuartut amerlanerulernerannik kiisalu Nuummi atuarfinni assigiinngitsuni ilaqutariit klassiinik (familieklasse) pilersitsinernik.

### Ingerlatsivimmit aningaasatigut sulisoqarnikkullu naliliinerit

Ukiumi atuarfiusumi 2026/2027-imi ilinniartitsisunik pisariaqartitsinnerup misissuiffigeqqissaarneqarnera tunngavigalugu, Meeqqanut Atuarfeqarnermullu Ingerlatsivik naliliivoq, atuarfeqarnermut tunngasunut aningaasaliissutit ilinniartitsisunut tallimanut ilaneqassasut. Tassunga pissutaavoq Nuummi atuarfinni assigiinngitsuni ilaqutariit klassiinik pilersitseqqinneq, Atuarfik Ilasiaq minillugu.

Ingerlatsivik TB2 ingerlanneqalerpat naliliissaaq aningaasatigut ilassutissanik pisaqariaqartitsisoqassanersoq, imaluunniit mannakkut killiliussat iluaniiginnarsinnaassanersut.

### Missingersuusionermut Naatsorsuusionermullu Immikkoortortamit aningaasatigut naliliineq

Oqaaseqaatissaqanngilaq.

### Inatsisitigut tunngavissaq allakkallu tunngaviusumik uppersaatiit

- Atuarfik pillugu Inatsisartut inatsisaat nr. 15, 3. decembari 2012-imeersoq pillugu Namminersorlutik Oqartussat nalunaarutaat nr. 19, 27. aprili 2023-meersoq

- Meeqqat atuarianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. decembari 2017-imeersoq
- Meeqqat atuarianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januaari 2009-meersoq
- Kalaallit Nunaanni meeqqat atuarianni ilinniartitsisut il.il. akunnernut suliffissaannut isumaqatigiissut

### **Ilanngussat**

1. 2026-2027-mi ilinniartitsisunik pisariaqartitsinerup misissuiffigeqqissaarnerani takussutissiaq

## **Punkt 6: Inuusuttut atugarissaarnerisa pitsaanerulersinneqarnissaa pillugu Kommuneqarfik Sermersuup aamma Kalaallit Røde Korsiat Inuusuttut akornanni suleqatigiissinnaaneq**

### **Bilag**

Kommune Kujalliup aamma KRK-INUAp akornanni suleqatigiinnissamik isumaqatigiissut

# Inuusuttut atugarissaarnerisa pitsaanerulersinneqarnissaa pillugu Kommuneqarfik Sermersuup aamma Kalaallit Røde Korsiat Inuusuttut akornanni suleqatigiissinnaaneq

Oqaluuserisassaq

SagsID.: EMN-2025-02408

Meeqqanut Ilaqutariinnullu Ingerlatsivik – pisortaq Frederik Lundblad / FREL

## Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuartitaanermullu Ataatsimiititamat inassuteqaatigineqarpoq:

1. Kalaallit Røde Korsiat Inuusuttut suleqatigineqarsinnaanerit pillugu periarfissap sulerineqarluni ingerlateqqinneqarnissaa politikkikkut taperserineqarsinnaanersoq eqqartorlugu
2. Kalaallit Røde Korsiat Inuusuttut saqqummiinermut aamma misilittakkat pillugit ataatsimiititap ataatsimiinnissaani aggersumi aggersarneqassanersut eqqartorlugu

## Suliassamik saqqummiussineq

Qanittukut borgmesteriugallartup Poul Pedersenip aamma Kalaallit Røde Korsiat Inuusuttut akornanni ataatsimiinneq tunngavigalugu kissaatigineqarpoq malittarisassalerlugu Kommuneqarfik Sermersuup aamma Kalaallit Røde Korsiat Inuusuttut akornanni suleqatigiinnissamik periarfissaqartoqarneranik misissuisoqassasoq. Suliniutigineqartoq Kalaallit Røde Korsiat Inuusuttut assingusumik suleqateqarneranik aallaaveqarpoq, matumani Kommune Kujallermik suleqateqarneq ilanngullugu (ilanngussatut ilanngunneqarpoq).

Kalaallit Røde Korsiat Inuusuttut nammineq piumassusermik ingerlallutik suliniuteqartarput inuusuttut siunnerfeqartunik, pingaartumik eqqarsartaatsikkut atugarissaarnissap iluani, ataatsimoorneq aamma iliuuseqarsinnaanermik piginnaasaqarneq. Suliniaqatigiiffiup neqeroorutaasa ilagivaat tarnikkut ikiueqqaanermik pikkorissarneq, life skills sprint-forløbimillu taaneqartartoq, tassani inuusuttut sumiiffimmi suliniutinik ineriartortitsisarput.

Oqaluuserisassap taassuma siunertarivaa ataatsimiititap eqqartuinissamik periarfissinnissaa, Kalaallit Røde Korsiat Inuusuttut suleqatigisinnaaneramik periarfissap politikkikkut tapersersorneqarnerisat, kiisalu ingerlanerani qanoq alloriartoqassanersoq paasillugu.

Suleqatigiinnermi Kommune Kujallermi misilittakkat aallaavigineqassapput, tassani piumassutsimik sulisut pikkorissarnissaannut workshoppeqarnissaannullu, inuusuttut 15-35-t missaannik ukiullit, tunngavissiuinissaq siunertarigineqarpoq. Suliniutini inuusuttut eqqarsartaatsimikkut atugarissaarnissaasa pitsaanerulersinnissaat, inooqataanermi piginnaasat aamma pisuni unammillernartuni imminnut tapersersoqatigiissinnaanerit qitiutinneqarpoq.

Suleqatigiinnerup imarisai:

- KRK Inuusuttut peqataasussanik katersineq, ilinniartitsineq aamma piumassutsiminnik aqqissuussisartunut supervisionertitsineq isumagissagaat
- Kommune paasisitsineq, sullinneqartunillu innersuussisarneq kiisalu pisariaqartinneqartut soorlu init inuillu attaveqaataasut aqutugalugit suliniut tapersersussagaa
- Suliniutit kommunip suliniutigeriigaanut tapertatut atuuffeqassasut aamma sulianik ilisimasallit neqeroorutaannik taarsiisuussanngitsut

Isumaqatigiissutaareersumi aammattaaq attanneqarsinnaasunik aaqqiissutinik ineriartortitseqatigiinnissamik akisussaaqatigiinnissaq pingaartinneqarpoq kiisalu ingerlaavartumik oqaloqatigiittarnissaq misilittakkanillu paarlaasseqatigiittarnissaq.

### **Ingerlatsivimmit aningaasatigut sulisoqarnikkullu naliliinerit**

Kommune Kujallermik massakut suleqatigiinnerup ilusaani KRK Inuusuttut pikkorissarnerit ingerlanneqarnerinut aningaasartuutit amerlanerpaartai akilertarpei, angalaneq uninnganerlu ilanngullugit. Kommune annerusumik pisariaqartunik ikiuuttarpoq aamma ajornanngikkaangat aningaasaleeqataasarluni.

### **Missingersuusionermut Naatsorsuusionermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Meeqqanut Ilaqutariinnullu Politikki 2025 - 2035

### **Ilanngussaq**

1. Kommune Kujalliup aamma KRK-INUAp akornanni suleqatigiinnissamik isumaqatigiissut

## **Punkt 7: Lukket**

## **Punkt 8: Lukket**

**Punkt .: Tamalaat**



**Punkt .: Imaqarniliap akuerineqarnera**

